

小倉山房文集

序

文莫古於經而經之註疏家非古文也不問鄭  
與崔蔡並稱文莫古於史而史之考據家非古  
聞如淳師古與韓柳並稱其他漢語但語理障語皆非  
古文則本朝望溪先生言之也議鹿門八家之說襲  
真西山讀書記中語雖非定論要為不失文章正宗後  
世遵之者翕特之者妄惟吾友于才太史掃羣弊而空  
之記敘用敘筆論辨用縱筆敘事或敘或縱相題為之  
而大槩起起空行總不落一凡字此其志也千載而下  
常有定論固徵老友杭世駿片

小倉山房

一

我讀隨園文太史之官徒紛紛四百年來作者存屈指  
中郎多虎賁依傍門戶襲笑輩豈不皮傅但失真先生  
稟官抱典墳胎息元氣藏精神靜觀萬物求其根柢時  
竇流手把捫天結地構心吐吞我文之法如是云庶幾  
成吾一家言百年數事代數人特筆傳志臣見聞達者  
貴者功德尊卑者賤者志業勤孝義節烈困厄蹙正氣  
鬱律生苦辛端嚴疎密氣象陳旁見側出鬚眉新石渠  
金匱遺佚類公爲存之待討論丞相卿尹大將軍削牘  
論事開縹緲明體達用言可循利弊得失毫毛分規矧  
士官直氣伸亦嚴亦婉理道醇君子受之迴怒顧取而  
施行何其仁循吏指畫皆宜民用之廟堂風益淳文人

之文斯可焚讀書論世平反申一洗俗眼千年塵目言  
序記別有適緊嚴峭潔荆公倫辨才豪氣至此馴玩之  
信然無跡痕天授此筆回千鈞輔以學識成彬彬染羽  
屢入緇緇繚練絲沃露塗宿因角幹三液膠必均鮑人  
治革緩急勻篇成讀之覺怕怕數易稿本誰策勲我望  
海洋雖退奔字字暖我陽和溫我翁志節埋九原言行  
完美憂終淪叩頭陳狀泪沍沍倘賜表著公之恩傷哉  
賤子亦史臣乞因其子憐其親館後學蔣士銓題

古文凡例

一古文本無例也自杜征南有發凡起例之說後人因之例愈繁文愈敝德州盧氏刊金石三例蒼崖止仲諸君所考甚詳亦不過引韓比歐依樣標的而已並無獨見然既已有之不可廢也否則口實者多故作凡例

一古人編集都無一定韓先稌著柳先論歐分四集是也倉山文彙編者悞以碑板居先後見顏魯公集亦然遂仍而不改

一碑傳標題應書本朝官爵昔人論之詳矣至行文處不可泥論或依古稱太守觀察牧令刺史等名或依俗稱制府藩司臬使等名考古大家皆有此例其從古稱

者如渾瑊以金吾衛大將軍扈駕而權文公碑稱公以  
大司馬翼從奚陟薨贈禮部尚書而劉禹錫碑稱追贈  
大宗伯宋子京馮侍講行狀稱大理寺爲廷尉平歐公  
許平墓志稱經略爲大帥皆從古稱也以故歸震川張  
元忠傳稱某知縣爲錢唐令泊南居士傳稱某知府爲  
某太守其從俗稱者如李珣牛僧孺碑稱宋申錫貶郡  
佐郡佐者唐時之司馬也韓文公鹽法條議稱院監巡  
院院監巡院者唐時之度支使鹽池監也歐公桑澤傳  
稱閣職閣職者宋時之六部架閣也伊川伯淳行狀稱  
漕司漕司者宋時之發運使轉運使也皆從俗稱也以  
故朱竹垞楊雍建傳稱總督爲制府施愚山袁業泗

稱按察使布政使爲藩臬兩司凡此在行文中不一而足至于權文公唐相也唐人宰相官名應書平章事同中書門下而韓公神道碑竟以故相二字標題沈璧建安知縣也而震川墓志竟以建安尹三字標題宋知某縣事與知縣有京朝官之分非今之知縣也而竹垞蔣君墓志竟以知伏羌事標題是則古人率意處猶之史記標題忽稱魏公子忽稱平原君也未敢援以爲例一碑傳標題必書本朝地名亦昔人所論也然行文中亦難泥論歐公李公濟碑稱南昌曰豫章若以宋論當稱隆興震川王震傳稱震爲京兆尹若以明論當稱應天府尹湯文正施愚山墓志曰典試中州若以本朝

論當稱河南

一官名地名行文處隨俗用省字法考古大家俱有此例其序官用省字法者如昌黎劉昌裔碑應書檢校尚書左僕射云云而標題單摘統軍二字韓紳卿墓志應書錄事叅軍而序事只稱司錄君三字孔戣墓銘稱容桂二管一容州總管一桂州總管省却兩州字兩總管字又稱桂將裴行立容將楊旻亦省却州字總管都督字樣宋人文集中所稱三司三班一府二府者俱包括無數官名歐公劉先之墓志稱與州將爭公事及後將范公至云云亦猶今之稱前督稱後撫也以故施愚山李東園墓志稱督撫汪鈍翁郝公墓志稱司道稱參政



稱撫提稱副左歸震川章永州墓志稱院司皆不稱全官

其序地名用省字法者如歐公伊仲宣銘稱歷知汝州之葉不稱葉縣鄭州之滎陽不稱滎陽縣東坡趙康靖公碑稱呂溱守徐蔡襄守泉趙小二寇廬壽王荆公王比部墓志稱願得蘇常間一官曾南豐錢純老墓志稱爲尉于秀婆鄧云云皆省却一州字以故歸震川李按察碑稱滇民乞留葉文莊公碑稱公在廣湯文正張尚書墓志稱楚撫先府君碑稱斌在虔聞之官名地名皆省却數字

一 本朝官行文書有不得不從俗者汪鈍翁乙邦才

傳取太守結狀以報人嫌結狀二字不與案昌黎鹽法  
議有脚價脚錢之稱歐公會致堯墓銘有支差添解之  
號陳琳檄吳將部曲文稱如詔律令任昉彈劉整文稱  
充衆準雇皆結狀類也正宜從俗以存一朝文案

一非史臣不應爲人立傳昔人曾有此論然柳子厚引  
箋奏隸尚書以自解歸震川則直言古作楚國先賢傳  
襄陽耆舊傳者皆非蘭臺館閣之臣公羊穀梁亦未聞  
與左邱明同爲某國之史臣也此論出而紀事之例始  
寬

一黃梨洲言行狀爲請諡而作者不書子女及諡法爲  
請墓志而作者書之今請諡之狀久不行矣唐宋諸大

家行狀無不書婚娶及謚法者合從之

一滿洲姓氏與唐虞三代相同其冠首一字非其姓也  
元許有壬作鎮海碑題曰右丞相怯烈公姚燧作博羅  
驢碑題曰平章忙兀公集中亦倣此例閣峰尚書師健  
中丞本富察氏故均書富察公雪村中丞本姓白故書  
白公至若鄂尹兩文端公其冠首一字父子相承有類  
于姓宜因其俗稱若測所由來尹祖居關外章佳地方  
因以爲氏當稱章佳公然以標題猶可也若行文處稱  
尹爲章佳公將舉世不知爲何人矣要知周公孔子亦  
非本姓秦始皇本姓嬴生手趙遂姓趙以故方望溪佟  
法海墓志稱法公未爲過也

一編古人已定之集釋傳中貴賤男女可以以類相從若自編其未竟之文則先後撰成有不得不參錯互見者

一古人文無圈點方望溪先生以爲有之則筋節處易于省覽按唐人劉守愚文冢銘云有朱墨圍者疑卽圈點之濫觴始從之

一古人無自梓其文者梓集百卷始于和凝爲人所嗤然唐以前文多傳鈔非板而行之可見古人文之不自梓亦由風氣未開非盡從謙也慮門人子弟有所竄改不得不自題諦癡符之謂第古書有卷無頁故每篇皆連屬成文今旣付之攻木之工矣倘仍用古人編卷法則

改一篇全篇皆動故各自爲篇亦用今法

一文章有餘意未盡者書之于後始于韓文公宋元人有自記之例蓋示人以行文繁簡之法也集中倣之凡未竟之意不入本文者別署紙尾

一集中議論文字有偶異先儒獨抒已見者拘士頗以爲驚恭讀 皇上 御批顏魯公祠堂記云今之學者一字一句與程朱不相似則引繩批根曰此異端也及考其行乃與流俗無異又曰今上智之士營咳偶異于聖人卽擯之不得爲吾徒而中才以下反可以口說得之則學問之道將淪胥以亡較不講學之時晦冥尤甚大哉 王言洵萬古讀書之準則也

後序

初先生以制舉文震海內後生小子爭摹倣句調以弋科名者如搦券取也惟穀芳爲童子時頗不以先生文爲然逮乾隆癸酉館金陵謁先生于隨園之小倉山房每談及時義卽歉然以少年刊布流傳爲悔而深以予之不然其文者爲知己于是驚歎先生之虛懷好學不可及而世之媚人之文以求知于人者其必爲先生之所唾棄也久矣時先生正以詩古文詞樹壇坫江南欲收致四方才俊士與之共商史漢文章之正統而外間科舉之說盛行徒知有先生之時文而已不知有古文也其或借先生爲聲援者亦徒知有先生之詩而已不

知有古文也而于舉世不知之時又惟穀芳知之最早而好之也爲尤篤卽穀芳之好古文而敢執筆以爲之也亦實因先生之教而後毅然不搖于俗見至于今蓋二十有一年矣然則先生之文集穀芳烏可以無言乎哉蓋嘗論文章之道有三曰理學之文曰經濟之文曰辭章之文所謂理學者非皮傳儒先空談性命亦非綴緝訓故注疏之瑣瑣者相考證已也其所謂經濟又不得以浮誕無寔坐而言不克起而行者當之至于辭章則亦必有物有序而誇富麗矜淹博者不與焉予觀古今以來其有兼三者而一之之人乎無有也乃今讀先生之集而知其爲信能兼之者矣疑者曰隨園之辭章

不必言經濟尚可于其吏治信之若目以理學毋乃阿  
所好而失于誣乎予曰不然夫言必求肖于周程張朱  
而后爲理學噫此世之所以多僞君子也隨園于同時  
之講經而株守漢學

見與惠棟  
論學書

講道而虛崇宋儒

見與  
是鏡

書必爲文以闢之不遺餘力俾支離穿鑿迂濶無用之  
學自呈其僞以不使溷吾學之真故其見于文者無一  
字及于經而無非經之精華也無一字及于道而無非  
道之充寔也誠諸中者形諸外噫夫豈可以襲而取與  
故予因其文而審其爲人性情脫灑和而不流非卽周  
茂叔之吟風弄月者乎早年高隱不慕榮進而又篤于  
友誼不以窮通生死易心卽尹和靖之奉母終身蔡季



通之爲友遠謫何異焉凡此皆見于諸論著中讀者試一一按而求之當知隨園之學與年俱進而德亦與年俱劭者固非昔日所聞風流才子之隨園而真爲今日兼理學經濟辭章而一之之隨園也然則予之言豈有阿乎彼猶以爲阿者必前之徒知有先生制舉之文者也不知先生者也不知文者也并不知予非媚人之文以求知于人者也然則予之言亦惟先生知之而已宣城宗後學穀芳

題辭

文章代興協元會道比姚姒承黃農屬辭比事肇南左嗣有遷固昌其宗起衰八代賴韓子元和復振西京風

降及北宋祇數子落落泰華恒衡嵩嶽後豈無著作手  
繪畫不稱乾坤容帝恐人間久寥閭五百年後生我公  
公年弱冠卽名世赫若旭日昇於東鞭霆馭風織雲錦  
更鑿混沌開鴻濛上清小謫出爲吏異績瑣屑傳吳儂  
鳳凰來儀偶一見安可久集虞廷中名園奉母謝祿養  
著書砭砭無春冬積累三十年富敵邱山隆先出駢體  
文一掃徐庾空詩集別專行授梓尙未終獨將古文編  
排分卷二十四寸心得失玉十年琢金千鎔賦本古文  
詞冠首實類從體格用相如不與唐律同碑銘狀表及  
傳誌義貴紀寔非褒崇如衡量物鏡取影國史徵信垂  
無窮昌黎此體推第一尙恐諛墓難爲雄書則儷歐陽

縹緲磬深衷上規大府下最友閭閻侃侃告以忠匡時  
論古不忍默力挽元氣迴春融記序關掌故不涉小品  
誇雕蟲論必歸太醇眉山雄辯猶虛鋒其餘雜著盡超  
絕妙諦無上惟天通至哉原士篇治術首辟雕析弊到  
秋毫鑄鼎稱神工何當懸此文上列於學宮百年樹人  
得至計元愷復出襄時雍國初諸老事帖括健者聲律  
兼磨礱汪朱獨治古文學已覺鸞鶯鳴梧桐體裁茂密  
固閱瞻未免褻積由裁縫邇來學者知嗜古高挹賈鄭  
思希蹤著文亦以訓詁濟陷陣欲假偏師攻茲文一出  
正鵠定真面乃幸廬山逢我朝藝苑譬合樂諸子一器  
公黃鐘卓然不朽冠一代公所自致天無功京江舊雨

懷蔣詡首先寄示煩郵筒賤子欸三徑驚怪騰白虹搜  
覽得公文目懾光熊熊粲然新若手未觸意似不甚珍  
璜琮攜之竟出不返顧荊州借得還無庸韓文舊本其  
寶惜枕秘吾可驕蔡邕飢來一字不堪養賴挾此卷忘  
殮饕佛燈將燼漏四鼓兀坐據案方呻吟颯然陰風忽  
入戶雲霧晦冥驅靈輿徑恐六丁下搜取急誦萬遍藏  
諸宵年家子萬應馨

小倉山房文集目錄

卷一 賦雜著

長沙弔賈誼賦

不繫舟賦

青山招主人賦

秋蘭賦

老而無子賦

山問

原土

子產不毀游廟頌

曹黃門先生像贊

朱栩贊

卜式司馬相如贊

東閣大學士張文和公像贊

儉戒

嚴蔽

釋名

釋官一篇送李晴江

卷二

神道碑

文華殿大學士太傅朱文端公神道碑

戶部尚書兩江總督高文良公神道碑

禮部尚書太子太傅楊公神道碑

刑部尚書富察公神道碑

光祿大夫禮部尚書王公神道碑

和碩簡親王碑

吏部侍郎魏公神道碑

卷三 神道碑

文華殿大學士尹文端公神道碑

武英殿大學士忠勤伯太保黃公神道碑

文淵閣大學士文靖公神道碑

廣西巡撫金公神道碑

湖北巡撫唐公神道碑

協辦大學士吏部尚書孫文定公神道碑

太子太師禮部尚書沈文愨公神道碑

江蘇巡撫徐公神道碑

太子少傅工部尚書裴文達公神道碑

直隸總督方敏恪公神道碑

卷四 墓志

左副都御史趙公墓志銘

海州州同王君墓志銘

光祿寺少卿楊公墓志銘

江寧典史高君墓志銘

安徽布政使李公墓志銘

霍邱縣知縣龔君墓志銘



太子少傅河南巡撫胡公墓志銘

徵士程綿莊先生墓志銘

高母丁太恭人墓志銘

李訥菴先生墓志銘

元和縣知縣吳君墓志銘

江寧南捕通判高公墓志銘

江蘇按察使李公墓志銘

浙江按察使李公墓表

郴州知州曾君墓表

吉安府知府王君墓志銘

虞東先生墓志銘

司經局洗馬繆公墓志銘

李晴江墓志銘

山東巡撫白公墓志銘

方綺亭先生墓志銘

范西屏墓志銘

吳省曾墓志銘

亡姑沈君夫人墓志銘

徐州府知府熊公墓志銘

禮部主客司郎中兼鴻臚寺少卿高公墓志銘

六合縣知縣潘君墓志銘

補蘿先生墓志銘

史先生墓志銘

侯夷門墓志銘

楊節婦墓志銘

大理寺卿鄧公夫人李夫人墓志銘

蔣太安人墓志銘

李母顧太恭人墓志銘

陸君妻顧氏墓志銘

曹母劉恭人墓志銘

鳳陽府同知高君墓志銘

卷六 傳

福建總督太子少保姚公傳

威信公岳大將軍傳

勇略將軍趙襄忠公傳

兩江總督于清端公傳

贈編修蔣公適園傳

高守村先生傳

常德府知府張公傳

戶部尚書張公傳

倉場侍郎蔣公傳

卷七 傳

河道總督陳恪勤公傳

湄君小傳

直隸總督兵部尚書李敏達公傳

女弟素文傳

淮徐海道按察司副使莊復齋先生傳

蘇州府知府董公傳

程南耕先生傳

常孝子傳

寧國府知府莊公傳

江寧兩校官傳

大理寺卿鄧公傳

廚者王小余傳

石大夫傳

短人傳

卷八 行狀書事

武英殿大學士太傅鄂文端公行畧

光祿寺卿沈公行狀

記富察中丞四事

卷九 書事

書魯亮儕

書麻城獄

書潘荆山

李敏達公逸事

鄂文端公逸事

稗事二則

卷十序

王介祉詩序

送醫者韓生序

重修江寧縣志序

送望山相公入閣序

送陸明府入都序

西阪草堂圖詩序

聞茗崖竹洲詩鈔序

高文良公味和堂詩序

所知集序

陶氏宗譜序

代振聲作

張曰恆遺藥序

送許侯入都詩序

陶西園詩序

虞東先生文集序

贈黃生序

史學例議序

蘭陔堂詩序

從弟獲齋詩序

卷十一 序跋

沈研圃太守送行詩序



女弟盈書閣遺藁序

送上元藍令牧邳州詩序

龔旭開詩序

送劉廣文入都序

東臯詩存序

裴中丞退思圖序

汪樸廬聖湖詩序

幽光集序

雨亭公子遺藁序

胡稚威駢體文序

蕭才洲西征錄序

葉書山庶子曰下艸序

萬柘坡詩集跋

南村唱和詩跋

野處堂遺藁跋

卷十二 記

篁村題壁記

隨園記

隨園後記

隨園三記

隨園四記

隨園五記

隨園六記

陶氏義莊碑記

戊子中秋記遊

西磧山莊記

卷十三 記

安徽布政司新解題名記 代許公作

醉嘯軒記

馬骨記

史公張秋治河記

俞氏義塚碑記

江寧府題名碑記 代陶公作

漁隱小圃記

記句容叟

江寧訓導廳壁記

江安十府糧道題名碑記

代

卷十四

祭文哀詞諫

祭陶西圃文

祭莊滋圃中丞文

祭程元衡文

祭商寶意太守文

祭薛一瓢文

祭妹文

祭座主鄧遜齋先生文

周筠谿哀詞

韓甥哀詞

胡稚威哀詞

呂文光哀詞

趙舍人誄

卷十五

與從弟某論釋服作樂書

上兩江制府請停資送流民書

上陳撫軍辨保甲狀

答李穆堂先生問三禮書

答金震方先生問律例書

與是仲明書

覆兩江制府策公問興革事宜書

卷十六 書

與湖北巡撫莊公書

上兩江制府黃太保書

答陶觀察問乞病書

再答陶觀察書

答和觀察書

與吳令某論罰鍰書

答任生書

答衛大司空書

與孔南溪太守書

卷十七書

與清河宋觀察論繼嗣正名書

答蔣信夫論喪娶書

與江蘇巡撫莊公書

答沈大宗伯論詩書

答沈大宗伯第二書

答施蘭垞論詩書

答施蘭垞第二書

與盧轉運書

與袁惠纘書

代劉景福上尹制府書

答某山人書

再答某山人書

代潘學士答雷翠庭祭酒書

卷十八

書

答程魚門書

與某刺史書

答門生王禮圻問作令書

答惠定宇書

答定宇第二書



答滋圃中丞論推命書

答某明府書

答蔣茗生書

卷十九 書

慰王麓園喪子書

與楊生書

答戴敬咸書

答尹相國書

與邵厚菴太守論杜茶村文書

答友人某論文書

答友人論文第二書

答友人論文第三書

與薛壽魚書

答某生書

與朱竹君學士書

答朱竹君學士書

答尹似村書

再答似村書

與程菴園書

再與菴園書

答洪華峯書

答彭尺木進士書

再答彭尺木進士書

答洪稚存書

卷二十論

公生明論

佛者九流之一家論

劉後主可比齊桓論

荆軻書盜論

駁侯朝宗于謙論

魏徵論

魯肅論

高帝論

宋論

郭巨論

張巡殺妾論

徐有功論

卷二十一

論議

高歡宇文泰論

張良有儒者氣象論

駁唐鑑李德裕論

姚崇宋璟論

宋儒論

駁公羊氏宋宣公議

駁蘇子屈到嗜芰議

書院議

卷二十二

說辨疑

愛物說

牡丹說

清說

玩古者說三篇

黃生借書說

後山師表辨

金滕辨上

金滕辨下

六宮辨

征苗疑

卷二十三 書後

書鄂人對後

書王荊公文集後

書權文公邳都論後

書柳子封建論後

再書柳子封建論後

書唐介傳後

書復性書後

書留侯傳後

書宋均傳後

書顧覲之傳後

書王文正韓魏公遺事後

書鄒浩傳後

書通鑑溫公唐維州論後

讀賈子

讀左傳

讀喪禮或問

讀孟子

書柳子天說後

書崔實政論後

書戾太子傳後

書韓子琴操後

卷二十四 銘策問解

鑲硯銘

斧硯銘

朴硯銘

師恩硯銘

鐘硯銘

鏡硯銘

方硯銘

以硯銘



貨布硯銘

井田硯銘

竹節杖銘

方竹杖銘

都盛盤銘

策秀才文五道

論語解四篇

續

卷二十五

賦神道碑墓志

坐觀垂釣賦

笑賦

刑部尚書加贈太傅錢文端公神道碑

原任浙江巡撫盧公神道碑

經筵講官兵部尙書彭公神道碑

原任湖北巡撫太常寺少卿程公墓志銘

廣東雷瓊道按察使司副使金公墓志銘

誥授通議大夫陝西按察使秦公墓志銘

原任禮部侍郎齊公墓志銘

中憲大夫分巡廣東肇羅道衛公墓志銘

巡視臺灣御史李公墓志銘

翰林院編修蔣公墓志銘

卷二十六 墓志

大定府知府張君墓志銘

常德府知府呂君墓志銘

翰林院檢討李君墓志銘

巴里坤中軍遊擊劉君墓志銘

幔亭周君墓志銘

童二樹先生墓志銘

阜寧貢士戴君墓志銘

郡文學項君莘甫墓志銘

翰林院編修程君魚門墓志銘

錢太恭人墓志銘

袁母韓孺人墓志銘 福建布政使錢公墓志銘

卷二十七 傳行狀書事

內閣學士原任直隸總督臨川李公傳

文淵閣大學士太倉王公傳

東閣大學士陳文恭公傳

施秉縣知縣蔡君傳

雪溪李先生傳

李孝子傳

松潘鎮總兵宋公傳

先妣章太孺人行狀

書馬僧

書朱山

書悔軒觀察五事

卷二十八 序跋

錢璵沙先生詩序

趙雲松甌北集序

蔣心餘藏園詩序

碧腴齋詩鈔序

錢竹初詩序

童二樹詩序

何南園詩序

莊念農遺稿序

程綿莊詩說序

玉井壑蓮集序

隨園隨筆序

子不語序

隨園食單序

嚴道甫侍讀五十壽序

胡勿厓時文序

史閣部遺集跋

德山公手書詩卷跋

卷二十九 記祭文

所好軒記

散書記

散書後記

洞庭徐氏重修始祖吉卿公墓碑記

銅陵永濟橋記

榆莊記

重修南捕通判廳壁記

代香亭作

重修中和道院碑記

遊仙都峯記

遊黃龍山記

浙西三瀑布記

遊黃山記

遊廬山黃厓遇雨記

遊丹霞記

峽江寺飛泉亭記

遊桂林諸山記

遊端州寶月臺記

遊武夷山記

祭孔南溪方伯文

祭李竹溪文

祭尹相國夫人文

卷三十 書書後

與程戢園書

荅戢園論詩書

荅平瑶洵書

荅沈省堂觀察書

與楊峙塘書



書呂夷簡傳後

書大學補傳後

書陸游傳後

書茅氏八家文選

讀左傳國策

讀胡忠簡公傳

卷三十一

湖南巡撫陸公神道碑

董太恭人墓志銘

廣東惠州府知府李君墓志銘

周君少霞墓志銘

誥授奉政大夫湖廣道監察御史蔣公墓志銘

林君毅菴墓志銘

弟婦陳恭人墓表

原任江寧布政使內務府總管永公傳

江西督糧道省堂沈公傳

候選郎中成君衛宗傳

黃君蓉江傳

陳烈婦傳

俞蒼石詩序

何南園詩選後序

陶怡雲詩序

重遊沭陽圖記

康方伯雁南泊河記

與稚存論詩書

書楊鏡村

書汪壑庵

杖銘

竹杖銘

藜杖銘

灌木杖銘

木拐銘

卷三十二

墓志銘

神道碑

海州知州何君墓志銘

誥授資政大夫兵部右侍郎抑堂史公墓志銘

永昌府龍陵同知金公墓志銘

淮徐營遊擊加贈文林郎田公墓志銘

誥封光祿大夫奉宸院卿布政使江公墓志銘

太子太師文淵閣大學士錫山嵇文恭公墓志銘

蘇州府知府楊公墓志銘

燕湖兵備道張公墓志銘

江防同知倪君帝培墓志銘

金纖纖女士墓志銘 封公胡葆憲先生墓志銘

徐君星標墓志銘

太子太保文淵閣大學士封一等公孫公神道碑

卷三十三傳

吏部尙書東河總督顧公傳

領侍衛內大臣撫遠大將軍費襄壯公傳

文華殿大學士領侍衛內大臣來文端公傳

內務府總管丁文恪公傳

浙江督糧道金公傳

吏部侍郎留松喬先生傳

禮部尙書姚公傳

方君柯亭傳

卷三十四傳

帆山子傳

蘇州管糧同知曾公傳

禮部侍郎海住金公傳

邛州知州楊君笠湖傳

吳縣文學蔡君勉旃傳

九江府同知汪君傳

汪存樸先生傳

鮑竹溪先生傳

三賢合傳

香山同知彭君小傳

慶遠府知府印公傳

徐靈胎先生傳

卷三十五

書後

書

序

記

哀辭

祭文

畫秦檜傳後

書張郎湖泉使逸事

與孫備之秀才書

與備之秀才第二書

答淮關權使劉公書

答倪春岩刺史書

楊文叔先生文集序

汪心農試硯齋記

近文齋記

韓生哀辭

祭徐心梅秀才文

答汪大紳書

答戈小蓮書

本齋山房文集卷一

江左王友光魯觀

錢唐袁枚子才

長沙弔賈誼賦

歲在丙辰予春秋二十有一於役粵西路出長沙感賈  
生之弔屈平也亦爲文以弔賈生其詞曰何蒼蒼者之  
不自珍其靈氣今代紛紛而俊英前者旣不用而流亡  
今後者又不用而挺生惟吾夫子之於君臣兮淚如秋  
霖而不可止前旣哭其始安今後又哭其愛子爲人臣  
而竭其忠兮爲人師而殉之以死君固黃農虞夏之故  
人兮行宛曼于先王不知漢家之自有制度兮乃嚶嚶  
然一則曰禮樂二則曰明堂夫周要君以堯舜兮豈知



其謙讓而猶未遑彼絳灌之黜黜兮召儒生而恒東向  
見夫子而吠所怪兮以弱冠而氣凌其上曰丁我躬而  
未諧夫人世兮未免負孤姿而抱絕狀當七國之妖氛  
將發兮彼社稷臣無一語徒申申其排余兮余又見木  
索篴簫而憐汝蓀兩愛而莫知所爲兮終不知千古之  
孰爲龍而孰爲鼠彼俗儒之寡識兮謂宜交驩夫要津  
使說遇而獲獸兮吾又恐孟軻之笑人聖賢每汶汶而  
蹇屯兮歷萬祀而不知其故也吾獨悲吾夫子兮爲其  
知而不遇也明珠耀於懷袖兮忽中道而置之淑女歡  
於衾席兮媵妣譖而棄之夫旣干將之出匣兮胡不淬  
清水而試之蒙召見於宣室兮泣鬼神於前席蓀拳拳

而托長沙王兮終不忍使先生之獨受此卑濕欲嘉遜  
乎山椒兮感君王之恩重圖効忠於晚節兮鵬鳥又知  
而來送已之薄命固甘心兮又累梁王而使之翻鞋傷  
爲傅之無狀兮自賢人之忠愛也三十三而化去兮恐  
終非哭泣之爲害也彼顏淵之樂道兮亦時命之不長  
賢者不忍其言之驗兮宜其身先七國而亡悞鳳凰爲  
鷓鴣兮覽德輝而竟去駟玉虬以上升兮知九州之不  
可以久駐逝者旣蕭曼以雲征兮名獨留乎此處亂曰  
瀟湘之春水浩浩兮有美一人涉遠道兮忽見芳草生  
君之廟兮咨嗟涕洟感年少兮

不繫舟賦 有序

望山尚書再莅兩江之四年政行化和風物恬美署  
之西小園夾池屋形如舟公葺其舊而顏之曰不繫  
夫舟之義取乎濟川其繫與否非舟之所能自爲也  
昔人稱謝太傅功高百辟心在一邱公之謂矣枚竿  
江寧從公遊而賦焉其辭曰

渺三山之在望登一室之如舟水搖光于博壁月照影  
于承甍影影今簾卷庭冉冉兮雲留偶攬衣于綠野  
恍遺世于丹邱步入而雙鳬欲化首欲回而四顧難  
休爾乃八達崇期三楹藻梲半榻中饋一琴旁列但栽  
薄媚之花畧綴飛來之石雖不泊於江湖儼橫陳而待

涉。體。靜。而。櫓。槳。無。聲。心。虛。而。波。濤。不。入。右。則。斷。橋。鵲。峙。  
小。渚。霜。清。望。舒。涼。室。錦。淙。烟。庭。靈。瓊。繫。停。而。霧。掩。重。櫟。  
屈。竿。以。天。成。左。則。牟。首。斜。臨。康。圭。遙。踞。宜。啟。背。以。納。涼。  
可。倚。襟。而。拾。絮。高。軒。象。君。子。之。懷。踈。落。得。野。人。之。趣。墻。  
低。則。遠。景。皆。收。樹。老。則。斜。陽。不。去。當。夫。夏。始。春。餘。非。欄。  
石。畔。竹。密。畫。陰。艸。多。蛙。亂。鳥。應。節。以。聲。移。葉。辭。條。而。律。  
換。唯。茲。舟。之。隆。然。偃。長。虹。于。天。半。不。因。急。雨。以。回。帆。不。  
逐。浮。萍。而。傍。岸。篙。工。欲。撼。以。難。搖。錦。纜。將。牽。而。未。斷。洵。  
足。以。解。巾。遐。矚。退。食。澄。懷。意。行。緩。帶。小。憇。流。杯。坐。繞。芝。  
蘭。之。契。手。栽。桃。李。之。材。觀。籬。落。而。心。殷。稼。穡。聽。波。聲。而。  
夢。繞。黃。淮。畫。戟。香。而。空。堦。花。墮。牙。旗。颭。而。水。面。風。來。然。

而事本無常。舟原不繫星。且移宮泉。非擇地攬物化之。  
推遷歎人生之如寄。朝雖托乎中流。夕不知其所。至當  
前之峯影。常青此後之桴音。孰繼鼓沙棠之幘。豈料重  
登賦苦葉之匏。還期共濟舟之泊也。共萬物以安恬。舟  
之行也。聽江風之位置。何況傍舟之草。附舟之蟲。本乘  
汭之賤質。涉宦海之飄蓬。攀慈航而難再。空揭厲於波  
中。其能無挽紼。纏而咏志。託雲物以歌風也哉。

青山招主人賦有序

余去隨園一載辛未閏五復來棲遲見石留無穢屋  
宇黝剝書史十蠹七八嘆人可離園而園不可離人  
惓然久之時家居四紀餘祿蕩然故人戚里有以仕  
易農之勸余又懼茲園之不能久居也乃托爲青山  
招主人之賦以自訟而自尤焉其辭曰

主人去兮胡不歸寧不見山中之笑夏蒙萊陷以蚰蟻  
主人歸兮胡欲行寧不聞山中之猿鶴將馳檄於烟庭  
憶我我今空谷跨兩龍兮抵伏河雖變兮無梁茅誰翦  
今無屋忽婉倬兮馳象輪馬沛艾兮來夫君召觴俞兮  
測風呼謳癸兮執矩藻兼爲之運斤兮獲人爲之削楮

極承塵。捫壁之詭文。回波兮復單。極落時之房風。而攬  
雨。君欲採兮。果在林。君欲釣兮。魚在渚。君欲觀大江之  
波濤兮。吾則聳噴峰而高舉。君欲吸九霄之沆瀣兮。吾  
則吐朝霞而待取。此豈不足于君所兮。胡長行而踽踽。  
自客秋之騰裝兮。車噶噶而東去。山鬼喜而聲耶兮。白  
鹿愁而局顧。予能忍而終古兮。恐美人之遲暮也。世翻  
覆而興雲雨兮。余青青其如故也。百花兮春陽滿山兮。  
嚴粧盼夫君兮。不見極思心兮。偃偃書廡陳兮。千束待  
君兮。悅目君緇帟兮。無時走白蟬兮。予選然兮。稅駕  
山之纓兮。如雲老槐起而守宮兮。薇蕨搖而掃塵危石。  
犂确以挺其去路兮。山膏巾巾而誓君曰。宣聖之皇皇。

今。年。七。十。而。返。尼。山。使。哲。人。而。無。此。年。今。何。六。經。之。能。  
刪。陶。潛。之。掛。冠。今。知。食。祿。之。不。如。飲。酒。使。五。柳。之。早。植。  
今。寧。不。多。飲。乎。一。斗。彼。歸。妹。之。翩翩。今。可。筮。於。有。黃。將。  
推。車。之。蟬。攫。今。保。無。厭。廷。于。康。莊。誰。轉。啟。以。相。召。今。忽。  
許。由。之。瓢。動。寧。陝。輪。其。營。魂。今。乃。尹。氏。之。多。夢。使。果。伊。  
優。與。世。利。今。余。胡。傷。傷。以。強。留。恐。素。襟。清。尚。之。倏。然。今。  
何。能。夸。毗。以。體。柔。欲。蘇。世。而。居。正。今。韜。沂。竟。一。發。而。難。  
收。忍。所。惡。而。甘。就。今。舍。所。愛。而。他。求。謝。元。祺。之。初。志。今。  
睇。頽。光。之。西。流。及。少。壯。之。不。登。臨。今。老。牧。羣。而。何。以。上。  
高。邱。君。欲。知。余。之。不。忍。別。今。請。聽。此。鳴。鳥。之。啁。啾。



秋蘭賦

秋林空兮百艸逝。若有香兮林中至。旣蕭曼以襲裾。復  
氤氲而繞鼻。雖脉脉兮遙聞。覺熏熏然獨異。予心訝焉。  
是乃芳蘭。開非其時。寧不知寒於焉。步蘭陔。循蘭池。披  
條數蔓。凝目尋之。果然。蘭言稱某在斯。業經半謝。尚挺  
全枝。啼露眼。以有待。喜采者之來遲。苟不因風而振觸。  
雖幽人其猶未知。于是昇之齋。置之明牕。朝焉與對。  
夕焉與雙。慮其霜厚。葉薄。薰孤。香瘦。風影外。逼寒心。內  
疚。乃復玉几。安置金屏。掩覆。雖出入之餘閒。必褰簾而  
三嗅。誰知朶止。七花開。竟百日晚。景後凋。含章貞吉。露  
以冷而未晞。莖以勁而難折。瓣以斂而壽永。香以淡而

味。逸。商。飈。爲。之。損。威。涼。月。爲。之。增。色。留。一。穗。之。靈。長。慰。  
半。生。之。蕭。瑟。予。不。覺。神。心。佈。覆。深。情。容。與。析。佩。表。潔。浴。  
湯。孤。處。倚。空。谷。以。流。思。靜。風。琴。而。不。語。歌。曰。秋。雁。回。空。  
秋。江。停。波。蘭。獨。不。然。芬。芳。彌。多。秋。兮。秋。兮。將。如。蘭。何。

老而無子賦

有序

余與魚門舍人齊年交好俱五十無兒聞其小妻獲  
雄爲之心開乃今秋書來又已鳧歿揆其心志悼悵  
可知乃託爲元白相慰之言作賦寄之用廣其意亦  
聊以自解云爾

白太傅龜兒不存楊枝遣嫁病染風痺不怡中夜廬山  
之佛殿藏詩海上之仙龕待駕乃喟然而嘆曰謂地至  
厚謂天至仁惟混元之不處運萬物而相因是故青曾  
黃頽綿綿無垠元蟲剛須息息洪鈞蛾猶術子竹且生  
孫何況至賤者姓至貴者人竇夸遺種莊說傳薪小者  
肯播肯構大者爲鳳爲麟且莫言恩澤之侯百世箕裘

之學千春但使此佳主器童昏應門亦足逐主喪之里  
尹而安登屋之游覓騎我何人傥然孤獨免乳者殤將  
姬者殯雞林則萬首流傳犬子則一雄未卜有九服之  
英名無半行之骨肉爾乃石樽客散琴臺雨濛半欄斜  
炤一个衰翁意斟懣其若失覓充充如有窮齊國乏負  
床之顙趙家斷炊火之宗一髮之懸崖太險千年之得  
姓將終耳羨梁間乳燕慈烏之語心驚身後梨花寒食  
之風未病而巖牆生乎四體非雲而孤影蕩于空中况  
復池北樓臺池西書庫彝鼎鱗列牙籤雲布白樸百篇  
青箱十部莫不物物心裁絲絲手護甲乙丹黃研朱滴  
露董安于之墻壁半煉蒿銅晏平仲之房櫥深藏竹

問。交。替。與。何。人。儼。橫。陳。于。道。路。于。是。愛。先。生。者。代。爲。謀。  
祝。而。望。商。瞿。之。得。晚。息。焉。憎。先。生。者。嘲。怪。荒。侯。而。疑。展。  
氏。之。有。隱。慝。焉。元。相。公。聞。而。笑。曰。是。何。以。造。物。爲。拘。拘。  
而。不。証。之。詩。書。耶。夫。侯。龜。四。兆。神。理。萬。殊。箕。疇。五。福。子。  
嗣。本。無。宜。尼。大。聖。早。喪。伯。魚。齊。桓。公。有。子。六。人。而。幹。掩。  
揚。門。之。扇。田。成。子。有。子。七。十。而。身。爲。寄。殺。之。徒。懸。隸。轉。  
尸。功。臣。隱。痛。練。裙。葛。帳。名。士。嗟。吁。是。故。賢。夸。羸。博。之。札。  
達。稱。東。門。之。吳。曾。怒。西。河。之。泣。孔。辭。顏。路。之。車。彼。夸。語。  
兒。之。鄉。而。登。望。子。之。臺。者。盍。亦。鑒。于。斯。乎。且。莫。言。子。不。  
孝。則。如。龍。欄。氏。之。忘。情。子。不。祭。則。如。公。索。氏。之。亡。牲。就。  
使。惠。種。非。狂。胞。衣。盡。紫。高。陽。八。才。姜。支。三。趾。亦。勢。必。暮。

授經書朝布筵。凡女聘姬姜。師延崔李。飴含不足。犢舐  
無已。振振殷殷。孳孳妮妮。猶恐縱婦勃谿。請翁軟抵。賁  
善不祥。冠簪非禮。教諄則頭觸屏風。視病則竟夕十起。  
俟婚嫁之將畢。亦人生之已矣。故曰爲人作父。非易居  
之名。買奴得翁。亦偶然之理。又安得如此日之從容。暮  
景孤吟。青霞攘羊。不懼尻背。無譁帶益。三副禾呼。百車  
雖在世。而出世視。有家如無家。投懷者明月趨庭者落  
花承歡者猿鳥繞膝者桑麻爲樂。不憂兒輩覺放言不  
驚長者柔施。半菽則戚里拜德。捨一宅則佛子矜夸。無  
後爲名。二婢夾我。而非罪有官。不仕一月。不醒而何嗟。  
靜言思之。老而無子。福耶非耶。而況心靜思精。身閒學

廣述作非凡知音必賞安知後世不鑄范蠡之金他邪  
不畫朱穆之像宗我學者卽兒孫傳我文者皆族黨又  
何必爲孺子牛負阿侯襁雍樹嬰媿懸弧擾攘盜委順  
于兩儀奪真珠而在掌夫然後謂之有子哉太傅聽猶  
未畢心曠神全如逃禪而悟徹如御風而登仙重開玉  
甕再理冰絃子來不拒子去不憐終日陶然改字樂天

山間

隨園先生倉山結隣住一十有一載年方四旬山神怪之不能無言乃面先生而問曰余託體爲山與混沌俱所見隱士百千萬餘如先生者與人人殊山實惑焉願布區區背巢山之號稱首隱也吾見其蓬累而行耦俱無猜心忘賴賴與天往來先生則早登金門身踐玉堂臨岐矩步指會規翔撒金蓮爲婚燭含鷄舌作犀郎夫豈蒲衣石戶之徜徉者乎其次鴟夷泛舟赤松辟穀蜀市青盲東海黃鵠是有所託而龍蟠非無所爲而雌伏先生又治比吳公表薦葛龔吏澤如春民望如風聽琴者願展伯牙之指觀射者思彎飛衛之弓譬如四時之



序方春方夏而並非秋冬之成功再其次原憲以甕牖  
語人於陵則谿刻自處瞿劬披裘東郭織屨爲聾唯筋  
因瘖守圉避苑就枯索居孤露或能薄而閉關或足蹙  
而却步先生又輒錄其躬斧藻其德髮若植竿瞳如點  
漆音響過雲眉間容尺山立時行揚休玉色誦東方之  
四十萬言奪戴憑之五十餘席可以坐而謀起而決備  
君子之九能傲明廷之三揖是又非熒魂曠枯冥行坎  
窞者之所能髣髴是以後乎先生者方且縹纓天闕持  
衡要津厭項亥跼魁釋冠倫竊杜銓之文資其解褐疑  
蘇秦之名原是古人前乎先生者方且狶膏棘軸赴選  
里鄉魁顏舄鼻僂仆巖廊希飛重之弋獲忘日暮而

長先生胡爲乎有冠不彈無雪早臥髮長心短退勇進  
情雉膏不食匏瓜空大袖巧手而看拙匠之傷沉慈航  
而闕千帆之過秋蛇赴穴竟失其節雄雞司晨不鳴何  
聞曷不就明夷之占吉而答玉女之洪鈞乎先生曰若  
山神所言可以語下未可以語上也徒論其理未曉其  
象也則獨不見夫麋鹿乎厥角疑疑野心濯濯騎之者  
身顛牽之者足躅此石隱之流非我也又不見夫舞象  
乎黃帔而蹲馘寶而朝一浴之外無時逍遙此朱紱之  
困非我也惟夫駉騊蒲梢駮耳駮駒對天長嘶顧影自  
豪非不知近爆梁和鑿鑪非不能登天閑舞簫韶然其  
所愛者則在乎渥洼之水黃池之沙崑崙洗鬣瑤臺銜

花固不能久。斲乎芻豆而羈紲。夫王家余實慕之。是耶。非耶。且夫君子之立身也。才欲其大。志欲其小。能欲其多。事欲其少。故名成而身樂。心安而境好。其處世也。居。前必令人輕居。後必令人軒。故湖上不賣魚。山中不鬻薪。當今。堯。醜。舜。醜。夔。拊。龍。言。禮。明。樂。備。雲。動。雷。屯。家。家。鶴。膝。處。處。瑤。琨。來。未。必。有。我。去。未。必。無。人。不。少。北。山。南。仲。戴。星。鞅。掌。只。少。康。衢。華。封。鼓。栗。擊。壤。不。少。槩。人。俊。曲。鶻。項。漸。襟。只。少。執。鉞。司。草。治。粟。縫。衽。與。其。搏。幣。扶。翼。知。壽。布。肘。曷。若。勇。夫。重。閉。聖。人。不。手。與。其。王。孫。自。厲。執。鐸。將。振。揭。若。中。年。病。忘。養。空。而。游。我。是。以。立。身。乎。點。癡。之。半。食。飲。乎。清。濁。之。間。神。劍。小。割。慶。雲。偶。鮮。董。父。一。蘇。而。

不。上。下。彬。十。擲。而。仍。捷。周。鼎。著。僎。而。斲。其。指。楚。燔。改。卜。  
而。全。其。天。竹。素。供。奉。烟。雲。周。旋。逢。衣。淺。帶。糟。邱。老。焉。是。  
既。不。愧。夫。鵲。鵲。之。宿。智。而。亦。何。愁。乎。胡。老。之。華。顛。至。於。  
沒。世。無。稱。君。子。所。恥。是。有。命。焉。何。病。乎。已。且。夏。四。百。年。  
商。六。百。年。豈。無。其。人。自。健。自。賢。卒。皆。爲。而。無。考。事。而。無。  
傳。我。獨。何。人。而。獨。焦。然。山。神。開。之。氷。襟。而。出。踞。觚。而。歌。  
曰。山。之。高。不。如。子。之。超。山。之。靈。不。如。子。之。明。將。子。毋。悶。  
吾。失。吾。問。收。雲。反。風。請。與。子。終。

原士

士少則天下治何也天下先有農工商後有士農登穀  
工製器商通有無此三民者皆養士者也所謂士者不  
能養三民兼不能自養者也然則士何事曰尚志志之  
所存及物甚緩而其果志仁義與否又不比穀也器也  
貨之有無也可考而知也然則何以重士曰此三民者  
非公卿大夫不治公卿大夫非士莫爲惟其將爲公卿  
大夫以治此三民也則一人可以治千萬人而士不可  
少正不可多舜有五臣武王有亂臣十人豈多乎哉雖  
然其所以教之者則甚多矣古者黨有庠家有塾國有  
學春夏學詩書秋冬學羽籥又有三物六行六藝之名

又有移郊移遂東棘西寄之法。天下人知士如此。其難爲也。爲士者如此。其不苟也。于是農者安。農工商者安。工商相與登穀。製器通化。居以事其上。而僥倖與逸游者。無有焉。士旣少。故教之易。成祿之易。厚而用之亦易。當也。後世不然。凡古所以教士者。一切皆廢。而所以取士者。又寬而易售。讀四子書。習一經。皆曰士。其四子書與一經。又不必甚通也。稍涉焉。亦皆曰士。旣曰士。皆可。以爲公卿大夫十室之邑。儒衣冠者。數千在學者。亦數百。天下人見士如此。其易爲也。爲公卿大夫。又如此。其不難也。于是才僅任農工商者。爲士矣。或且不堪農工商者。亦爲士矣。旣爲士。則皆四體不勤。五穀不分。而妄。

冀公卿大夫冀而得居之不疑冀而不得轉生嫉妬造  
謗誹而怨上之不我知上之人見其然也又以爲天下  
本無士而視士愈輕士乃益困嗟乎天下非無士也似  
士非士者襍之而有士如無士也然則士何自而少曰  
廣索之而嚴取之天之生才不必一類而其真者皆不  
甚多如五金然皆適于用合沙礫而渾之金銀猶多汰  
沙礫而擇之銅鐵且少然則慮其遺賢奈何曰與其俸  
進毋寧遺賢賢者今歲遺之明歲未必遺也惟有俸而  
進者旣進之以爲公卿大夫矣公卿大夫皆任取士之  
責者也以彼其才取彼其類夫然後俸俸相承而賢乃  
愈遺然則詩歌濟濟多士何歟曰惟其少也故夸多而

艷稱之以見周室人才之盛如祝堯之多福多壽多男子以福壽男子皆不易得故也使盡人而可得亦奚以祝爲子閔士之太多而失先王所以治世之意作原士

周末士多故秦散三千金而天下之士相與關漢末士多故頌王莽功德者四十二萬人宋末士多故淳熙景德間三學之權與宰相抗史嵩之丁大全等皆畏之及賈似道作相加以餐錢而上書者卽稱賈爲周公召公士習之陋一至于此皆多之故也不知漢盛時每郡戶口十萬裁舉孝廉一人吳公所薦止賈生一人文翁所遺張叔等亦不過十餘人善養士者不在多也唐設八十一科未免過祿鄴意法溫公十科取士而參以舒元與一議其庶乎自記



子產不毀游廟頌

奕奕游廟南道而居將薨簡公黼荒難驅繼爲火社馬  
更契需葬除莧除豈子產私歟當官而行毀之毅如乃  
有太叔操具而立似毀不毀探刺顏色冀危得之母乃  
用術子產過時有睟其容問不毀故感動于中顧曰舍  
之以妥其宗一之已甚太叔乃再恃巧干仁愚者亦怪  
子產不然稱心而待寧墮彼術以行吾愛嗚呼子產隆  
赫嚴明凶人必殺刑書必成火焚不動龍鬪不驚乃至  
毀廟肫肫其情爲國教孝匪已求名展如之人孔子所  
敬執國之法順人之性其死也哀其生也慶借頌爲箴  
今之從政

曹黃門先生像贊

倏然之容義然之狀想見峩冠立金階上惟

聖人建極四門首闢公逢其時爲邦司直奮筆奮舌

屹矜矜吾以吾鳴匪詭隨是爭惟大猷是經

帝爲傾耳畧見施行未竟其用左遷奪俸如華堂撓棟

如朝陽喪鳳人皆爲恫枚曰不然苟于世有補徐樂一

書已足千古而况公文有集如許

朱栩贊

漢有朱栩爲董賢更賢既保尸栩獨收視犯莽有禍塋  
董無名栩豈不知而捐其生栩曰不然吾行吾情聖卿  
雖佞媿媿可矜巨君作賊篡漢有形哀賢毒莽識所重  
輕借曰私恩愈見至誠嗚呼世人惟勢是附竇其翟公  
客所景慕勢盛勢衰客來客去時何恩從從馳騫去  
時何仇悠悠陌路但有避趨而無好惡奚況于賢伊誰  
肯赴栩之所爲義同樂布班史大書子浮隆隆當建武  
時爲大司空惟人至庸惟天至公嗚呼世人鑒此高風

卜式司馬相如贊

易曰知幾其神乎幾者一人知之衆人不知也衆人不  
知則雖千百世後亦不知當日之能知之者爲何人也  
而其人旣已知之矣見幾而作矣則所存乎史冊間者  
不過其迹而已推其迹以得其心吾于卜式司馬相如  
有獨契焉當武帝時中國耗矣帝之雄心未已此楊可  
告緝之事所必有者也法網密矣帝之猜心未已此淮  
南賓客之誅所必有者也卜式知家財之難保而先輸  
之于官卽陳平之裸而刺船也相如知仕宦之難爲而  
愛閒多病卽子房之善藏其用也帝知其無可告之緝  
則轉以黃金賜之知其有未盡之才則且于遺稿求之

似。要。福。也。而。不。知。其。避。禍。似。避。禍。也。而。不。知。其。要。福。以。  
武。帝。之。雄。猜。落。兩。人。度。內。而。不。悟。而。其。忠。愛。之。心。持。正。  
之。氣。則。未。嘗。不。一。白。于。朝。廷。又。能。各。因。其。分。以。立。言。而。  
仍。不。蹈。批。鱗。之。忌。式。官。已。尊。寵。已。固。故。有。烹。宏。羊。天。乃。  
雨。之。言。何。其。犯。也。相。如。官。尚。卑。資。尚。淺。故。僅。有。諫。獵。之。  
章。奏。雅。之。賦。何。其。婉。也。嗟。乎。使。式。戀。其。財。而。不。獻。必。爲。  
郭。解。之。徙。而。相。如。仕。宦。不。止。又。安。知。不。爲。壽。王。主。父。之。  
續。乎。讀。史。至。此。爲。發。其。覆。而。又。笑。世。之。鄙。卜。式。而。薄。相。  
如。者。真。淺。士。矣。故。爲。之。贊。其。詞。曰。  
天。之。生。才。代。不。絕。賢。何。建。元。五。十。四。年。而。竟。寂。然。此。如。  
驕。陽。當。天。百。草。萎。焉。或。陷。于。法。或。遯。乎。田。陷。法。遯。田。名。

皆不宣一式一長卿獨察機先毀家家存病身身全一  
信乎君而以危言讜論著一忘乎世而以高文典冊傳  
較之汲生之慙曼倩之仙竟別開一徑而無愧色于其  
間嗚呼欲知人先論世如二公如其智如其智

東閣大學士張文和公像贊

公名允隨原任雲南總督

昔有義叔分宅南交平訛敬致克襲帝堯穆穆張公繼  
義而作秉圭卅年不離南服維彼滇南實開新疆歷漢  
晉唐高山始荒驅鷹作鳩牧狼爲羊疇是剽獫而不叛  
亢急之挺矣緩之梗矣萬洞驛騷兵在頸矣公來至止  
勿弛勿震勗帥以威參和以仁如古黔羸手麥混敦如  
古夷隸與鳥獸言鉢昭通路五百餘里俾彼鋒車周道  
如砥鐵金沙灘百有三十俾彼方舟安行枕席旣菴杜  
松九施土平旣艾與艸靡穀不登張立駢牢胥疏帶粥  
商旅僑然駢肩疊轂僉僉有苗金環花衣夷歌僣侏媚  
於侯蠶狂狂荒服罔敢寇災嬰瓊盪琫于其來地不

愛寶五金空湧鈎考裏蹠鞭笞桑孔赤側旣鑄如泉環  
流八省輸銅歲省萬牛經算炫極不可計籌天子曰  
咨卿實元功可坐論道以相朕躬六十邳殿二肆歌鐘  
與卿樂之其風雍雍公拜殿上民泣滇中朝有聖相滇  
無神公五期三名未竟其施遽殞旗翼而乘雲螭于人  
未嗟千公無惱如此哀榮得歸亦好巍巍遺像琛版星  
冠盱衡振色泰表戴于華嶽立隼高梧翔鸞望而氣肅  
對之神寒公第五子與枚通書命作贊語以永終譽枚  
無金管敢寫凌烟再拜稽首倣班孟堅寸莛鐘撞撮土  
河填匪質時賢質公在天



# 儉戒

某尚書撫浙以儉率下過三元坊見丐者妻紅絨補簪花立而目公公命將某婦詣轅前騶擁之去丐者故新娶也號泣從之伺轅三日探刺不得信乃棄其屋并其妻之屋得二十金賄中軍中軍爲之請公笑曰吾幾忘引婦之中庭而高呼夫人婦慙視俄而有蓬首持畚衣七纓之布從竈觚來者曰此夫人也已公立婦而訓之曰夫人封一品服飾如是汝家丐者而若是華粧行見飢寒之將至矣吾召汝者以身立教俾語而夫知也飯脫粟而遣之婦歸已無家矣乃雉經死袁子曰儉美德也自矜其儉便爲凶德蓼蟲食苦而甘彼自甘之與人

無與也。必欲率天下人而爲蓼蟲悖矣。尚書亟表已之  
儉。故并載懷之尊。且嚴而亦忘之。有所矜乎此者。必有  
所蔽乎彼也。故曰克己之謂仁。

嚴蔽

某大府御下嚴。鳳陽奚奴召謳者侑飲事發。殺其頭。  
斃意以警衆也。鳳後每巡羣奴挾妓而博。強索州縣錢。  
箕坐大啖。大府竟不聞。袁子曰。是嚴之蔽也。漁者謹提  
其綱而網疎焉。故常得巨魚。或捉搦于鯁蝦間。則吞舟  
者逃。天下人善不善而已。其善者見一罪發。卽一人死。  
有所不忍。則專務爲隱匿。縱捨其不善者。知罪小死大。  
亦死。均死也。則寧爲其大。以自溢于法之外。而姑快吾  
意。故橫益甚。然則上之嚴將禁惡也。而乃生惡慮。失入  
也。而反失出。豈非有所蔽歟。旣蔽之。將并其嚴而失之。  
然則宜如何。曰。多其察。少其發。此御下者之法也。匪重

匪輕適協其平此用刑者之經也

釋名

名。非。聖。人。意。也。聖。人。者。乘。其。時。之。得。爲。行。其。心。之。所。安。  
歿。齒。而。已。矣。伏。義。畫。卦。使。民。知。陰。陽。蒼。頡。造。字。使。民。備。  
遺。忘。非。爲。名。也。然。則。名。何。始。曰。自。尚。書。毛。詩。始。其。人。皆。  
慕。聖。人。情。不。能。已。然。後。咏。歌。而。紀。載。之。蓋。以。傳。聖。人。之。  
名。而。非。自。爲。其。名。也。故。堯。典。禹。貢。關。雎。葛。覃。皆。不。著。作。  
者。姓。氏。卽。論。語。一。書。亦。是。孔。子。亡。後。弟。子。之。弟。子。記。之。  
孔。子。所。不。知。也。使。孔。子。若。存。若。知。之。必。不。教。作。也。何。也。  
孔。子。望。其。道。行。則。有。之。矣。爲。萬。世。師。非。孔。子。意。也。故。作。  
論。語。者。亦。卒。無。姓。氏。下。此。孟。荀。老。莊。皆。著。書。皆。列。姓。名。  
然。而。非。聖。人。矣。余。每。讀。史。書。若。三。國。若。南。北。朝。僅。數。十。

年而其間之英傑才俊可喜可愕之事繁富若此然則  
夏四百年商六百年周之未有世本左氏以前其時事  
迹俱付之冥冥可嘆也今儒生握管動求傳後豈以爲  
夏商周千餘年之人皆不已若乎嘻愚矣然則余之好  
有所著也如何曰察士無思慮之事則不樂蠶之爲絲  
也終日綿轉不絕死而后已彼豈望人之朱綠之元黃  
之衰冕而被服之哉亦不自知其何所爲而爲之耳余  
欲明余之無所爲而爲之之意作釋名

釋官一篇送李晴江

心天官也耳目口鼻五官也公卿大夫百官也天官五官豈我有哉天與之百官豈我有哉人與之以偶然之有逢不可必與之數而又未有而求之既有而昵之業已無有而思之是制于與不與也夫與不與彼又有所制也天制于氣數而不敢與不敢不與人制于天而不能與不能不與吾又受制于所受制之天與人而望其與震其不與吁其惑哉雖然有天官而后有五官有五官而后有百官以公卿大夫易耳目口鼻愚者不爲也以耳目口鼻易其心愚者亦不爲也乃以公卿大夫之故而累其身并累其心是以千金之珠易土苴也李先

生搖組鳴轂之乎中州不逾年解果其冠傑然氓矣則  
又搖組鳴轂之乎江南不逾年解果其冠傑然氓矣邦  
之人甚怪之甚避之子才子曳先生之背披先生之胸  
暴之乎項氏之園大暑日中而晒之曰嘻先生其有道  
者歟始吾見先生之頭棄其蟬冕以爲頭無官也先生  
之身解其印綬以爲身無官也今日光耀先生之方寸  
蕩蕩然榮華之不知與渫之不分然則先生之臟腑百  
竅俱無官也以無官之先生而人必與之官先生不辭  
以有官之先生而人不與之官先生不悅吾知之矣我  
之生也是天之有求于我也畀之耳目口鼻以粉飾太  
虛而非我有所求于天也我之仕也是人之有求于我



也。界之爵祿車馬以受其利濟而非我有所求于人也。赤子之哭不願生也。初生之哭是則將死之哭非矣。丹穴之逃懼爲君也。人君之逃是則人臣之不逃非矣。今之人已無求于先生。今之天猶有求于先生。于是有鼻而且甘乎椒桂有目而且玩乎白雲有耳而且耽乎松泉有口而且論乎是非而且耳不隨人聽目不隨人視四支不隨人約束卧可也坐可也居可也行可也一日可也百年可也不以百官病其五官而五官全不以五官病其天官而先生全言未畢先生蹶然興曰吾聞中民之士榮官吾非中民也而子又奚稱

小倉山房文集卷二

錢唐袁枚子才

文華殿大學士太傅朱文端公神道碑

乾隆元年秋九月十四日

今天子命 車駕 親臨大學士朱公第視疾又四日  
公薨 天子再奠于其第加贈太傅謚文端冬十月公  
長子通政使右通政必階次子翰林庶吉士璡輿機歸  
葬剛日巳卜求文其貞珉以光揚休命枚伏考史冊堯  
學于子州父舜學于務成昭古之聖人皆有所從遊以  
增崇其欽明二臣者雖訐謨無聞而要其能爲堯舜之  
師其人必邁皐夔而上公奉

世宗詔侍皇上青宮最久。皇上登極未一載。仁言聖政重累而下九州八陔靡不異音同歎慶堯舜復生。然則公啓沃之功可以想見而公之風概又豈可求諸唐虞下哉。公諱軾字若瞻號可亭世居江西高安縣公宣髮廣額背中黃鐘鬚數十莖羅羅可數康熙癸酉舉人甲戌進士入翰林改知湖廣潛江縣事治獄忤總督某巡撫劉公殿衡至曰吾久聞朱令賢今觀所爭獄益信爲解于督臣而薦之遷刑部主事轉郎中督學陝西尹奉天再遷左都御史巡撫浙江世宗登極累遷吏部尚書文華殿大學士故事宰相蒞任必詣翰林衙門公去而復至海內榮之其撫浙也浙西瀕海徻洋石墩多

風魚之災公榷老鹽倉於中小鹽渚夏蓋山功成眠廬  
大安其任風憲也大將軍年羹堯以大逆誅父遐齡年  
八十餘法當從坐九卿俱畫諾矣公不署名

世宗責問公奏以子刑父非法也臣簿錄年氏家書遐  
齡訓其子甚嚴子不能從以陷于罪罪在于不在父

世宗領之遐齡竟免其辦治直隸營田也以漳衛諸河  
爲經以趙北口兩淀爲咽喉穹壤引泉四坻衛隄溉田  
六千頃其督賑陝西也安流庸禁遏糴勸糶粟請留漕  
立醫廠增驛夫雨隨禱降民與災忘公潛躬味道神識  
凝然而于孜贊軍國靜密詳審朝廷倚如金城故爲都  
御史時請終父喪 聖祖勿許在營田所請終母喪

世宗勿許公雞斯徒跪涕力請至於批鱗叩閣章三  
四上黃門近御皆咋舌瑟縮奪毀奏稿九卿大臣慰勸  
者相環而公陳之愈力萬不得已則引古墨經禮請從  
征西戎兩聖人愛其忠難須與離閔其孝重違其意  
乃詔如怡賢親王居母喪故事勿朝會勿吉服勿補  
原官國家有大事公卿詣廬中咨謀性介而和病門  
生某餽饌公呼謝者再開封稱量罪仍還之曰以束修  
問先生於誼甚古受之無所爲非第書不云乎享多儀  
儀不及物吾體未羸無藉於饗故稱量之則已受汝儀  
矣奚必及物耶今上在藩邸時聞公講生民休戚歷  
朝治亂尤悉既卽位凡所陳奏無不張施公自知道

大。行。輔。志。弊。謀。如。恐。不。及。乾。隆。元。年。首。陳。除。開。墾。省。刑。  
罰。兩。疏。其。他。諸。秘。外。不。盡。知。然。公。已。七。十。二。歲。鬢。頽。禿。  
且。盡。天。子。恐。用。公。晚。一。切。大。事。虛。已。咨。詢。公。亦。忘。身。  
殉。國。竭。懇。懇。之。思。卒。以。成。疾。輔。新。君。九。閱。月。而。薨。其。  
遺。表。曰。臣。遭。盛。世。入。綸。扉。旣。老。且。疾。口。垂。閉。矣。伏。念。國。  
家。萬。事。根。本。君。心。所。重。者。理。財。用。人。而。已。臣。核。國。儲。  
經。費。絀。然。後。有。言。利。之。臣。倡。爲。加。增。者。幸。勿。聽。之。至。于。  
君。子。小。人。之。辨。尤。易。混。淆。尚。書。逆。于。汝。心。遜。于。汝。志。二。  
語。願。皇。上。時。以。爲。念。則。臣。魂。魄。長。逝。永。無。遺。憾。章。上。  
海。內。傳。誦。之。所。著。有。春。秋。詳。解。三。禮。纂。名。臣。循。吏。等。傳。  
夫。人。陳。氏。先。公。亡。合。葬。某。

銘曰。惟天以聖。清有德篤生良弼。惟帝以聖。相有庸恩。始榮終奕。奕太傅學爲儒宗。視躬何約。艾物何豐。孤終旣協。陰陽就宮。變醕養瘠。休我王風。凡彼百工。倖倖衝衝。或才之忌。或盛名之攻。至于太傅。而曰君子竟罔不僉同。梁木壞矣。心支明堂。舟楫朽矣。慮海波之或揚。讀公遺表。惓惓。君王身墜泉底。心立殿旁。畢謨說命。餘音琅琅。配于太廟。祀于太學。書于旗常。蒸于甕。礪松柏。九九羊虎。躍躍永峙。一碑以伉五嶽。

戶部尚書高江總督高文良公神道碑

公諱其俾字章之先世自高密遷鐵嶺父澹菴累官口北道生五子公其仲也十八歲舉于鄉十九歲登進士入詞林

聖祖奇公狀貌欲試以外事會四川有獄未決命公往訊歸上問打箭爐形勢公口陳手畫沉詳不煩

上器之命典試蜀中督學山西累遷內閣學士巡撫粵西邠橫苗叛公單騎入寨曉以威德萬衆投刀乞降

世宗登極遷雲貴總督公奏西藏用兵中甸乃進藏咽喉請調鶴麗劍川兵鎮撫之開墾陸涼州屯穀儲侍改哀牢山土司爲流與苗大小戰三十有二所平魯魁茅



洞諸寨所擒呼。呼腦兒。刀光煥等。以功襲拜他拉布哈番。  
福建饑民變。調公督浙閩。公道浙卽奏。姦民不可不誅。  
饑民不可不養。請撥溫台倉穀七萬石。運閩寬臺灣米。  
禁濟漳泉二府。上從之。閩人大和。閩自朱一貴反後。  
番不納餉。小不順。輒攻劫。焚殺公立民夷界址碑。移興  
泉道駐廈門。設哨船巡之。苗夷嚮服。生番阿密氏反。公  
遣臺灣道吳昌祚將何勉從。竹脚寮南投峙兩路進。  
兵禽之。上聞喜曰。卿在閩。朕無南顧憂矣。會福建巡  
撫某不識字。見人倨忌者。欲傾之。密奏福建倉穀全虧。  
而公又與所親山東按察使白映棠私言。江浙清查無益。  
恐累民白奏之。上以公袒同官。沽名罔上不道。遣內

大臣史貽直等馳驛料簡閭閻而調公督兩江會雲南  
普思苗叛貴州廣西猺獠應之乃命公總督三省公  
到滇卽率提督蔡成貴等討平之仍回兩江權巡撫事  
今上登極公首劾淮關權使年希堯人以爲仁者之勇  
尋遷戶部尚書入都過寶應薨謚文貞年六十三公揚  
休玉色進止凝重目瞻焉不能遠視然長寸餘無事輒  
耿開則精光射人性端靜包涵蘊含一本於自然人相  
對如臨山海光明之中廣大無所極每奏事天語褒  
寵或忤旨且夕禍不測而公施施如平時雖家孥賓  
僚欲窺公顏卜主眷盛衰不可得也世宗深知公性  
寬不能掖之使奮代入匿瑕藏疾至累及終不悔然於

國○憲○民○瘼○大○綱○必○舉○且○望○重○治○行○終○長○者○故○雖○詔○書○迫○  
責○而○封○疆○重○任○十○三○年○如○一○日○西○師○大○事○必○密○與○謀○阿○  
喇○蒲○坦○降○上○問○公○公○奏○宜○減○兵○不○宜○撤○兵○宜○加○戍○糧○  
以○彈○壓○元○魯○特○喀○爾○喀○兩○部○落○降○人○和○羅○爾○邁○逃○上○  
又○問○公○公○奏○有○之○不○爲○多○無○之○不○爲○少○宜○撫○其○不○逃○者○  
愧○其○逃○者○上○嘉○納○之○孫○文○定○公○嘉○淦○少○時○殺○人○報○仇○  
公○督○學○時○爲○脫○其○罪○故○終○身○執○弟子○禮○惟○敬○李○敏○達○公○  
衛○爲○滇○南○布○政○使○與○安○南○爭○鉛○厰○河○上○切○責○公○引○咎○  
絕○不○言○李○李○慙○感○折○骨○後○李○眷○日○隆○上○疑○公○叢○脞○問○  
李○李○奏○高○其○偉○勤○過○臣○太○慎○故○少○遲○緩○耳○又○短○視○終○日○  
胸○摩○文○案○生○肉○將○起○可○驗○也○逾○年○公○入○覲○奏○事○畢○上○

命○禠○公○衣○公○驚○以○爲○將○刑○侍○衛○摩○公○胸○奏○曰○李○衛○不○欺○  
上○大○笑○補○熙○提○督○松○江○上○猶○慮○公○在○江○久○不○無○裨○政○  
命○補○察○劾○旨○甚○嚴○補○唯○唯○到○江○南○聞○人○人○稱○公○賢○乃○  
以○實○奏○上○喜○曰○熙○不○迎○合○朕○樸○誠○可○嘉○卽○遷○總○漕○鳴○  
呼○公○與○補○俱○不○可○及○而○世○少○神○聖○誠○何○如○也○公○於○學○  
靡○不○窺○天○文○地○理○皆○洞○悉○而○詩○尤○工○所○著○奏○疏○十○卷○  
堪○興○家○言○四○卷○味○和○堂○詩○集○八○卷○行○世○繼○配○蔡○夫○人○亦○  
能○詩○公○以○定○萬○年○吉○地○功○賜○男○爵○塋○大○興○縣○秀○才○營○之○  
原○子○某○

銘○曰○泰○山○之○雲○崇○朝○而○亘○何○卽○之○不○高○而○探○之○莫○竟○扶○  
桑○之○枝○浴○日○而○行○何○風○吹○似○柔○而○雷○焚○不○驚○惟○公○秉○夷○

姁之性行恢台之政抒端右之才慰閭左之懷始任戴  
冠來扶王風赤霄冒頂素手捫空導帝九阡罔弗棣通  
悅尼來遠有睟其容歸邪星出白澤神通蛇矛丈八鼉  
鼓一中使獠村狗國區人鼈封靡不書雲奉歷橫草成  
功微衣旁旅其聲喁喁帝曰汝太將牢而弗操刺宜  
淬其鋒以持劍臘公拜稽首黎收而答臣持耆心臣亭  
者法七年教民三日先甲百辟欽之高山仰兮九乾竺  
之終德賞兮冢象所連高一丈兮所謂大臣盍置以爲  
像兮

禮部尚書太子太傅楊公神道碑

乾隆元年九月禮部尚書楊公薨於位

天子震悼加贈太子太傅崇祀賢良公諱名時字賓實  
一字凝齋其先出關西明初以軍功襲鳳陽勲衛家懷  
遠徙江陰世無顯者及公貴三代俱贈如公官公湛深  
聖學自布衣至爲尚書言動措施敷奏一不外于孔孟  
以事被譴人懼且不測而公構殘火治詩禮如平時  
聖祖時宰相李文貞公嘗薦公爲第一流康熙庚午舉  
人辛未進士入翰林督學直隸典試陝西歸授直隸巡  
道當是時直隸無兩司官巡道司刑名所屬見憚迎奉者  
相夸以多金幣出巡則餽夫錢驛費者重足錯轂而至

公。豈。切。禁。絕。牢。籍。書。吏。僅。通。食。飲。姦。不。得。發。每。讞。決。  
多。所。平。反。居。月。餘。天。下。稱。其。廉。上。聞。喜。曰。楊。名。時。不。  
特。官。清。且。好。也。遷。貴。州。布。政。使。尋。巡。撫。雲。南。時。征。西。藏。  
滿。洲。兵。集。省。城。公。慮。擾。民。爲。箭。茅。葺。屋。撤。牙。門。西。廊。使。  
居。而。中。隔。以。垣。遣。官。巡。之。房。其。馬。夏。不。宛。賜。順。時。廼。土。  
教。民。農。桑。輟。畜。饑。寒。者。收。穀。之。所。劾。官。雖。有。罪。必。助。其。  
歸。較。巡。道。時。尤。多。仁。惠。曰。昔。專。乎。巡。今。兼。乎。撫。故。也。在。  
滇。二。年。而。聖。祖。崩。世。宗。憲。皇。帝。卽。位。雍。正。三。年。遷。  
雲。貴。總。督。五。年。題。豁。鹽。課。獲。譴。六。年。受。代。公。旣。以。道。自。  
任。不。與。時。合。或。以。危。事。中。公。新。撫。朱。綱。來。鞠。不。得。毫。毛。  
罪。坐。他。事。修。城。雍。正。十。三。年。冬。今。天。子。受。世。宗。遺。

詔卽位。召用向所廢置。故老大臣。公首被召。天下想望。  
丰采。滇黔人。狂走。懽告。老幼。相率。觀公。或張酒宴。羅拜。  
繼以泣。至環馬首。不得前。旣入覲。天子召對良久。命。  
以課皇子。造人才。秩典禮。數大事。旣出。尋賜馬。賜第。時。  
公年七十六矣。以禮部尚書兼管國子監祭酒事。初。康熙。  
時。江南翰林。非二甲。前勿與公。獨以三甲。得故事。直。  
隸學政。非宮坊。不與公。獨以檢討。往至是。天子命公。  
教習庶吉士。時未館選而。詔先下。公受恩。三朝異數。  
皆此類也。公旣用。益陳利害。諸朝臣言可採者。爲代奏。  
聞所定滇省事。有弊。卽請報罷。時。天子銳意太平。於。  
藩邸時。深知公。公亦感。上責望重。欲盡所學。以報諸。



仁政將次施行而公遽病闕庶常卷勞患手足痛上  
醫問不絕公具冠帶草遺表薨壽七十七娶劉夫人無  
子以弟子應詢爲子塋某  
銘曰何聖非儒何事非書學之不至或拘或迂道果能  
宏沛然有餘穆穆楊公其學粹如禮士敬容仁人貴際  
大賁無色大羹無味薰薰熙熙口噓元氣用之則行投  
之無戾天子曰咨汝弼三朝如彼卿雲久爛丹霄惟  
汝余輔以帥百僚伯夷伯班序顛毛公拜於殿民賀  
於郊惜哉冬日雖和晷短逝矣春風雖歸澤遠蒼蒼九  
乾茫茫五施兩楹兩廡魂無不之古書黑石罔或磨治  
路過者勿馳大賢在茲

刑部尚書富察公神道碑

公諱傳龜字閣峯先世居長白山號富察氏祖額色泰從  
太宗文皇帝用兵有大功子四人次子驃騎將軍噶爾  
漢輔

聖祖致太平生公公眉目英朗倨身而揚聲精騎射讀  
書目數行下年十六選入右衛侍世宗于雍邸驂乘  
持蓋不頃刻離雍正元年補兵部右侍郎年羹堯以大  
逆誅窮其黨公謂廷臣曰元惡已誅脅從罔治龜事上  
久能知上之用心倘諸公心知某寃而不言非上  
意也諸王大臣以公語平反無算岳興阿者九門提督  
隆科多子也隆柄用時禮下于公公不往及隆敗公爲

上言岳無罪

上疑公與隆有交故爲岳地謫戍黑龍

江公聞命負書一篋步往率家僮斧薪自炊先是公在

上前嘗論準噶爾情形上不以爲然用兵數年所言

驗乃召公還予侍郎銜命往軍前參贊未行仍命入

宮侍起居

上違和醫藥事皆公掌之十二年春命公

觀兵鄂爾多斯部落中途偵賊數萬掠地西走公卽赴

拜達理請于大將軍馬爾賽曰賊送死可唾手取也鼐

遠來雖兵疲猶能一戰惟馬力稍竭願大將軍給輕騎

數千助鼐事成歸功將軍事敗鼐受其罪馬嘿然再三

云不應公憤激自率所部出與賊戰大敗之獲輜重牛

畜萬計卒以馬病不能窮追事聞天子大悅賜孔

翎移佐平郡王軍謀斬大將軍馬爾賽狗於軍會賊有  
求降意而盈廷諸臣皆欲遣使議和罷兵 上問公公  
叩頭曰此社稷之福也 上意遂定卽命公同都統羅  
密學士阿克敦往時戰爭連年虜氛甚惡窮沙萬里雪  
沒馬鼻行者迷向認人畜白骨而行公聞命不辦嚴徑  
上馬馳抵策凌部落策凌坐穹廬紅氍毹爲褥金龍蟠  
疊五尺高侍者貂蟬持兵女樂數行彈琵琶獻酒公從  
容宣詔音響如鐘酋蠻伏地觀者以萬計皆膜手指夷  
言曰果然中國大皇帝使臣好狀貌也 詔劃阿爾泰  
山爲界策凌曰阿爾泰不毛之地中國奚用且我先人  
披荆棘厲血刃與喀爾喀爭來之地寧忍棄之公曰以

爲若不念先人耶。若肯念先人更善。昔我聖祖征噶爾旦。通好於若國。若國主伐叛助順。縛噶爾旦送來在途病死。若國震于天誅。卽獻阿爾泰地方。中國受之。置驛設守。已有年矣。今猶以爲言是非。背大皇帝乃是背其先人。豈非大不祥乎。策凌語塞。思以利害動公。乃集十四鄂托。率桑者華言十四路頭目也。公叱曰。出嘉峪關而鄂托率桑者華言十四路頭目也。公叱曰。出嘉峪關而思歸者庸奴也。某思歸某不來矣。今日之議事集萬世和好。不集三軍。暴骨一言可決。而譏謔如兒女子。吾爲而王羞也。諸酋相目以退。翼日策凌如約。繕表求公。奏并遣宰桑同來獻駝駝明珠等物。世宗大悅。赦天

下加公三級晉秩都統。世宗崩。今上登極。遷刑部尚書。以誤舉叅領明山失察家人兩事落職入獄。病刑部尚書孫公嘉淦奏請就醫。私第許之。薨于家。年六十。二。葬西山獨樹里。子三人。長昌齡。官編修。次科。占。次查訥。俱有父風。公寬于接下。太雜剛于事上。太慤伉爽。自喜。好聲矜賢。簡節而疎目。以故無平不陂。福與禍俱。丙辰會試。榜發。公奏請搜落卷。上允之。復取中三十餘人。有廣東劉起振者。年八十八。以公薦入翰林。爲一時盛事。所居稻香草堂。有白雁峯。鰲峯。東臯南莊。諸勝。積書萬卷。招四方人與遊。性理經史詩文。醫人日者。悉萃集焉。果親王任事時。警欵所及。九卿唯唯。公在坐。伺王。

發聲聽未畢輒迎拒曰王誤矣王不能堪世宗責公  
曰汝知果親王何語而又誤耶公亦不能答也

銘曰公如劍其干將乎誰不欽以其光乎卒以折毋乃  
剛乎迷陽迷陽傷吾良乎固不如赤堇之錮而南山之  
藏乎

光祿大夫禮部尚書王公神道碑

禮部尚書王公塋黃岡陽羅六十年墓無碑其孫廷泰來言曰先祖遺命弗爲碑碑缺至今廷泰出先生門下讀先生金石文字于古無讓然則安知非先人之靈不欲以姓名爵里草草託人必待後世之能與夫班馬爭者然後紀傳之耶銘我先人補子孫之憾先生其奚辭余謹按其狀而書之曰公諱澤宏字涓來一字昊廬家本瑯琊十世祖東平侯遷于黃岡公父用子崇禎進士任淮安推官內擢檢討以公故封光祿大夫禮部尚書有子五人公其長也王色揚聲風采雋異八歲待封公于淮封公指簿案戲曰兒他日亦掌是乎公搖首別手



一書曰兒讀此願掌此摺之體經一部也翁乃大奇之  
年十四補博士弟子中崇禎壬午副榜當是時流賊四  
起黃岡氛甚惡公避亂九江路遇賊劫其家屬公逃深  
箐中三日不食譚爾恒者九江豪也夜夢采鳳翔竹間  
旦伺得公餓色焦然憐而衣食之公說譚曰某祖父母  
父母俱陷賊中某義不獨生公仁人能活某一家乎譚  
問計公曰賊衆烏合無遠志又無刁斗之設每夕猪啼  
而讙必置酒高會乘其醉襲之克矣譚許諾糾鄉勇百  
餘裸持鋤盾公操戈而先衆從之直斫賊營賊大驚手  
不及格皆逃公殺數十人扶祖父母父母出其他子女  
得脫者泣謝環拜求見主帥就視乃書生儒冠美而文

者也。時公年二十一矣。甲申。

世祖章皇帝登極天下。大定公歸里讀書。辛卯。舉于鄉。乙未。成進士。入翰林。督學京畿。再遷吏部侍郎。左都御史。禮部尚書。既貴。爲譚兩恒納粟得官。同知所以報也。立朝專持大體。御史某奏流人宜徙烏喇。公不可。

聖祖駁問。公奏稱。烏喇死地。流非死罪。果罪不止流。當死死不必烏喇。罪不當死。故流。流不可烏喇。舉朝無以難事。竟寢後。

聖祖巡烏喇。嘆曰。此非人所居。王澤宏其引朕于仁乎。先是。江西徵漕。每米石輸水岸費若干。相沿爲正供。會江督奏入。九卿議者多持兩端。公力言。洪都地瘠民貧。

除之便 天子以爲然歲省浮額十餘萬西江稅關舊  
設湖口湖口灘石森立商舟待驗往往漂沒公奏移九  
江嗣後泊者晏然無他虞往來商爲建生祠癸未以老  
辭位歸居金陵之大功坊角巾散服徜徉山水若忘其  
爲國老者然 繼興南巡公三逢盛典每見則賜坐賜  
襪藥勞問優渥鄉里以爲榮年八十三薨子六人長材  
升次材任己未進士官副都御史次材成官江西南康  
令次材獻材信材振材振卽廷泰父也先娶陳氏繼周  
氏俱封夫人

銘曰天開虞廷先生鳳鳥來舞來儀爲國初老公之誕  
生神骨珊珊禮儀三百幼願學焉 帝曰嘉汝汝作秩宗

勗帥以敬克相朕躬。瓢齋築壻。或不供吉凶。軍嘉必  
度于本末。而後立衷公拜稽首。舍舒憲章。斟酌六典。損  
益百王。執大琰圭。而佐烝嘗。亦咸有一德。以格于穹蒼。  
侃侃霜肅。澄澄水止。無赫赫之功。不沾沾自喜。老而安  
焉。三山二水。廷泰其文。黃中通理。補徵元石。永光萬里。  
祖德訪孫碑文。助史公侯之裔。必復其始。

和碩簡親王碑

乾隆十四年簡親王神保住以事削爵

天子命鎮國將軍德沛襲封王名德沛字濟齋祖福臘  
闔封貝勒父福存封貝子王以嫡山應襲封鎮國將軍  
讓與從子恒魯而已托足疾入西山讀書

世宗以果親王薦 召見問所欲曰願側身孔廟分特  
豚之饋

世宗重之授兵部侍郎遷古北口提督巡撫甘肅

今上登極遷湖廣總督調浙閩再調江南王面頰無鬚  
髯順雷如矢道氣盎然服侍皆內監宦者每見屬吏南  
面坐監司以下長跪白事外于周孔仁義一不關口聞

人善則信聞人過則疑以和顏接士士之曉經術能吏治者尤篤愛如子弟然甘肅歉收多不上聞王到兩月不雨報旱普賑之甘肅報災自王始衡永郴道某修柁梓州于洞庭湖便文自營夫役多溺死前總督邁柱庇之某故大俠有氣力知王來必不相容走關節京師凡貴人識王者聽請書月以百數王積尺許一切不開視先劾奏某褫職擒問服罪然後聚而焚之御史朱續卓劾福建巡撫某受韶州守某贓上疑不實命朱往會同王鞠時巡撫與太守俱未解任聞朱來欺其孤遺猾吏鉗伺之風影甚危人亦疑王與巡撫同城不先舉發而爲朱所奏必護前朱以小臣犯衆怒行萬里外勢必

不能自脫王竟自伏矢察罪奏血來而置巡撫太守于  
法天下服其公越俗尚職有五通神爲祟王毀其像將  
軍隆升貪縱王劾去之民大懼爲建生祠乾隆七年淮  
揚大水王虐漕粟往民不及燦乃媿餅千艘蔽河而哺  
兩岸噴聲若流菜色立變謂府縣放手開倉庫賑寧役  
侵可重領可務使恩流于民凡留養資送煮糜張廠加  
恤各色口靡不舉是歲奏動地丁關稅鹽課銀共一千  
萬官吏震駭或色不相許王輒奮曰堯舜在上必不以  
活民獲罪縱爲活民故罷歸于心不更安耶論者謂江  
南是年災實非常然數百萬札瘥捐瘠鮮溝壑死又不  
相寇災賊殺非王之勇不能肩非皇上之仁不能容

也。議河事與總河高文定公不合。召補吏部侍郎兼國子監祭酒。尋遷尚書。封王一年薨。王宅心遊目。恒在三代。上入學謁聖。必摩挲其俎豆。鐘篬懷而慕思。不忍訣。捨居恒危坐。番番雖矜莊而虛已已。甚常詣成均講大學。橋門俯聽者千餘人。皆悅服。獨助教王之銳前曰。猶未盡。王請益曰。白天子以至于庶人一節。聖經畢矣。其本亂云云。須重申之以見吾儒所以異于二氏之義。王欣然下階三肅而謝。助教者河間人所稱仲穎先生者也。袁枚宰江浦時。王過境。僦從索供。頓勢甚張。枚以實啓王。嚴檄禁督。嗣後肅然。以此受知尤深。王所著有周易解八卷。實踐錄二卷。薨年六十九。謚曰儀。無子。以從



子恒質嗣

銘曰彤魚昌僕分姓義軒河間東平卓爾不羣惟王兼  
之爲國宗親聖涯稅駕元淵澡身吁茶萬物拱押天  
人純終領聞情情好學六畧陰陽三雍禮樂咸精其能  
爲民先覺洽日九披卿雲五采高掌遠躡皇于四海天  
災已極乃見帝力帝座難通乃見王功羣黎報王  
立廟烝嘗王不能到王在孔廟溫明秘器八綽龍牽同  
哀其嘆堊王幽燕遙知象旁太極流泉定無襍草靈著  
芊芊

吏部侍郎魏公神道碑

枚幼時見里巷坐八九十翁說賢太守必曰魏公或新  
太守甫蒞里魁過必問得如魏公否枚問公政何若曰  
公至海不波旱必雨浮糧捐盜賊竄野無停柩寺無少  
尼嘗過市有旗厮強句毀器拆屋拘之不服曰我固山  
子也公怒命縛輿後吾將訴于將軍輿夫急馳牽烈日  
中公肅竇謁廟故紆其道固山子不能堪叩頭曰願受  
公責毋訴將軍公曰公子安可責哉且公子世家知禮  
義當不爾必家奴教之耳杖其奴四十徇于市自後八  
旗肅然撫軍黃叔琳獲罪有蜚語稱其弟叔璫爲御史  
巡臺灣過杭擾民民罷市

世宗命將軍總督會訊訊曰觀者如堵牆黃公囚服噤  
齟將軍呼三木脅之公率錢塘楊令歷階上抗聲大言  
曰府縣司地方地方市罷而府縣不知請先劾府縣再  
訊叔璫且天子惟不信風聞故命大臣窮竟若奏不  
實而周內之是欺天子也竊以爲不可今孩兒老母  
萬千在庭下辱將軍玉聲一問則叔璫與府縣俱無所  
逃罪將軍目外望諸百姓匍伏呼曰如魏公言黃竟得  
釋公所行此其犖犖大者枚聞而識之後十餘年枚知  
江寧公爲安徽布政使得朝夕見矜寵甚盛公時年六  
十餘朴而和疑不稱其風力者蓋公之爵已尊年已高  
養愈粹也今年公薨將葬其次子內閣侍讀允迪來曰

子先君竹馬兒童也長又受先君知然則銘先君惟子是屬枚惶恐辭讓懼文不稱德爲屬最羞繼又思銘公可無愧詞而枚文或將藉公增重乃按其狀而書之曰公諱定國字步于號慎齋太父諱菁官中書舍人居江西建昌之水斗砦鼎革時守將欲屠砦素善舍人給契箭一枝曰保而家舍人不可曰願與全砦同死將誼而許之活者千餘家子方泰官禮部侍郎生公公舉康熙乙酉科登進士宰應城得民和他郡訟者走應城如鶩大府知之遇民變必檄公往雲夢孝感皆以守令故閉城罷市他官徘徊不得入望見應城縣旗幟呼曰魏青天至矣皆解散羅拜事聞擢知冀州世宗登極遷守

杭州再遷河南按察使當是時督臣田文鏡政尚猛上  
蔡令某怙田勢侮張公首劾之田怒力未有以傷會調  
直隸與布政使張迺擢人致死謫戍黑龍江先是兵部  
尚書傅鼐謫焉公到之前夕傅夢魏徵來翌日公至傅  
心敬之而未言亡何同步江上一丈夫來汲熟視公曰  
公母姓魏乎曰然丈夫跪叩頭泣曰民冀州人也公刑  
我公不記耶公曰然則應恨我而何以泣曰民從人爲  
盜法當死公爲減流雖遣發公意猶若其不欲遣發者  
然故感公語畢再泣再叩頭傅亦愴然不自禁直前握  
手曰殺之不怨公孔明耳豈僅魏元成哉乃述前夢大  
歡笑 今上元年公與楊名時魏廷珍等同召見授西

安按察使大將軍查郎阿從蘭州歸衆官郊迎日已暮  
查下馬問誰是魏觀察公趨而前查手燭照示衆官曰  
此傅閣峯爲我言八年塞外友刑人而人感者容顏尚  
未老也再陞山東布政使調安徽先是司胥居奇苛駁  
各屬冊籍公命代造檄發乃相視閣手州縣奏銷輒以  
尾數被部議公代解而催還之遷安徽巡撫入爲刑部  
侍郎再轉吏部以老乞休歸七年薨壽七十有八公在  
浙時浙有南北關南關課贏南司請撫臣入奏公在坐  
曰不可若以稅贏爲殿最則今年南勝北明年北勝南  
如物力何汪景祺以大逆誅子女坐流一女許配中表  
大府以無媒故欲坐之公不可曰中表爲婚何事于媒

爲除其名其持大體如此夫人曾氏再娶蕭氏長子涵  
暉知鎮遠府孫若干以某月日塋某  
銘曰一檄禽斬四十賊一歲殺虎七百隻公之吏術廉  
且傑赴道若渴義若熱卽之溫溫如不克異之委順震  
之決西江之西巖巖石其生也榮爲公碣